

# Intencion di SMAC ta pa traha hunto cu un solo vision na bienestar di Aruba su carnaval



ORANJESTAD (AAN): Dialuna mainta Minister di Cultura Otmar Oduber a reuni cu miembronan di SMAC, Musica y Gruponan Uni pa papia riba un organizacion cu ta cuminsa y cu mester mantene na loke e intencion tabata desde principio pa loke ta organizacion di nos Carnaval.

Manera e mandatario a indica, a logra elimina mal comprendemento cu tabatin entre e gruponan.

Por ultimo, a bin cu cierto propocisionnan riba mesa pa e continuacion di e trabao den e organizacion cu ta inclui representantenan di musiconan como tambe gruponan di carnaval, independiente cu ta den number di Raad van Toezicht a worde nombra den e bestuur.

Minister Oduber a splica cu e intencion inicialmente ta pa SMAC organiza henter e Carnaval, mientras tanto e gruponan a keda pa delibera riba e posicionnan cu tin, especificamente pa loke ta trata e organizacion di Calypso cu Roadmarch. A palabra cu lo reuni diamars 12or di merdia un biaha mas, despues cu cada grupo

reuni cu nan base.

Intencion di SMAC ta pa traha hunto cu un solo

vision, mirando cu esaki ta e forma cu e statuut di e organizacion ta hincaden otro, caminda cu tur partido ta representa; musiconan, gruponan di carnaval y representantenan di Raad van Toezicht cu entre otro mester representa e interesnan economico di Pais Aruba, teniendo e bienestar di Carnaval semper na cuenta, e mandatario a enfatiza.